

鄱陽縣志卷之二

輿地志二 風俗 古蹟

風俗

有鄒魯遺風 陳靖遺書

多俊秀喜儒以名節相高 黃庭堅集

士如東漢諸君子 都頡文

多茂美好學 劉定學記

饒之為郡以彭蠡鄱陽之漁 羅紘序

多喬木富室 劉禹錫答元貞書

忠臣孝子繼踵而出吳芮之遺風難泯 王德璣鄱陽記

山川秀拔有豪傑者出焉 范文正鄱陽遺事

其人喜儒故其俗不鄙 彭汝礪夏侯處士記

鄱陽縣志 卷之二 風俗

有陶唐遺風 明一統志

范希文守此其為政務名教敦尚風義為先州人仰慕咸傾

嚮之遂以成俗 彭汝礪答錢尚書通書

惟時饒郡昔號粵區廣谷大川政當吳楚之交會流風善政

具存顏范之典型 黃唐文集

山川最清接吳楚秀氣文獻相續有顏范遺風 輿地記

鄱陽地沃土平飲食豐贍語有吳楚之音 歐陽詢法帖

工巧足用懋遷以給 舊郡志

五方之性不一而緇染始殊鄱故望邑顏范澤存自無譎習

業儒則恥於就吏逐末則重於去鄉縉紳愛惜名節即富

室亦兢兢身家無或豪舉至於男女不相瀆主僕分截然

此尤風化之本弗可泯者以今視昔服飾稍華則亟返於

儉使醕樸遺風不漸入於靡靡此在良牧與賢士大夫加之意耳

劉司空志

鄱當楚尾吳頭背山環水氣候多陰民無悍戾之性其音清越其習以禮信相敦閨教至肅為七邑冠農務稼穡市務居積工藝雜異鄉人不作淫巧族無貴賤皆知詩書訓子誦讀之聲絡繹巷陌衣履多布素即製一綢綺非盛會不服食無兼味燕會率常品雖鼎食家不必珍異昔左思吳都賦有鄱陽暴謔中酒而作之說殆不盡然冠禮惟縉紳家行之婚嫁極簡樸納幣諸儀即富室弗及百金數資奩稱是唯是易舉故少溺女者喪一依朱子禮親故相賻贈殯或積歲始舉或拘形家言至停厝之久且致爭訟亦不能盡去佛事四時之祭類移之節序且不止四親亦追遠

鄱陽縣志

卷之二

風俗

二

思耳最重墓祭清明十月朔歲除日展祀必躬無貴賤一也族有家廟禫虞諸祭不廢歲時節候遺餽慶燕如常唯燈夜春郊絕無遊女即常時出不途步最為美俗端午競渡時致閔訟前明御史吳達可疏禁後此風漸息近復間有仍宜酌禁其闕凡播種各以時稻有五旬即刈者少蠶桑之利惟種吉貝廣紉織而石門諸處為盛其占候以元旦四孟甲子風雨為候卜歲豐歉若田家報賽鄉社時一釀會焉山谷之民多終身未入城市即城市中有終身不涉訟庭者此猶有古風云嘉隆以前非上舍省祭不敢輒冠儒巾今且紛襍莫辨章縫齊民妻女副笄金相珠綴擬於命婦奢則不孫其漸也前志之云如此鼎革之初兩經兵寇故家皂隸華屋邱非復沃饒之舊矣幸際

國家重熙累洽休養生息士秀民醇漸復其舊但地雜湖山
襟連吳楚百貨歸墟帆檣安泊明時鱈引質庫皆土著者
至之故勢不相軋而情不相耀今胥分屬徽西服食器用
務極鮮華漸染薰蒸日雕其樸富室以侈靡蕩家貧者或
笑烟不舉此則邇來城市風俗之大概也其在鄉居地土
遼澗村落星散渾樸猶存澤有魚蝦菱芡萑之利山有
果實竹木之饒江右之俗多持空囊走四方鄙獨安土重
遷老死不出其鄉有由然也惟西北去治最遠訟門繁興
亦地界巖邑勢使然歟濱湖地勢平衍田藉圩堤鄙之水
利於斯爲廣而薙草資腴每以坪界犬牙動至速獄此各
鄉風俗之大概也則夫明禮以節其奢勅法以窒其訟轉
移變化之大端不尙煩司牧之經畫也哉

黃麓村
風俗考

古蹟

鄱陽故縣 在縣東六十里吳芮徙今治

按鄱陽自番君後或屬豫章或隸廬陵漢建安十五年孫權分豫章立鄱陽郡鄱陽縣隸焉吳赤烏八年徙治吳芮故城後漢書雷義傳注謂鄱陽縣城在今饒州鄱陽縣東後徙吳芮故城即今縣治則赤烏未徙以前在今故縣渡仲公生於東漢末下距赤烏年不甚遠章懷之注為得其實但不知番君徙治之後復何時徙故縣至赤烏八年始仍徙今治耳

鄆陽縣 在鄆陽西北一百二十里按鄆陽記云漢高六年

置劉宋永初二年廢

廣晉縣 在縣西北一百八十里今名廣晉鄉即石門鎮舊

鄆陽縣志

卷之二

古蹟

四

有城基吳時置縣初名廣昌晉改名廣晉梁鮮于琮作亂殺廣晉令即此

武陽縣 即武陽鄉今屬和南鄉在城之東北一百二十里

漢初置縣屬豫章郡晉屬鄆陽郡宋永初廢按鄆陽武陽縣右十餘里有黃金采湖水西入湖漢莽曰鄉亭今鄆陽界地名白沙有小水入湖名白沙湖湖東南有武陽亭者疑即此

觀獵城 在府城西十八里漢吳芮觀獵處

英布城 在縣西北百五十里布為吳芮婿使將兵屯此

童敏之故城 在縣東後山隊地名水南隋大業間兵起邑

人袁贇為長相保居此

浩州城 在縣西一百三十里唐武德間置

按山川志有浩山高數百仞周圍百餘里界連彭澤建德唐武德間李大亮置浩州於此

麗陽鎮城 在郡城東北一百四十里元季于光保障於此

因築城以守周五里許及光移鎮浮梁徙石增築浮梁縣城今垣塹尚存按麗陽利字作麗見宋黎泰墓誌銘

古城 在郡城東北一百七十里地當鄱浮之衝不詳所自

垣址尚存

黃金采 西漢地理志鄱陽注武陽縣右十餘里有黃金采

采者采取金之處武陽名湮已久惟里仁鄉傳有穿金塢疑卽此今亦不可考矣舊志

高門 在今千戶廨正南出芝山驛元壬辰塞之今稱月波門爲高門非

鄱陽縣志

卷之二

古蹟

五

小東門 在城東出浮洲寺元末據守者塞之舊志

督軍臺 卽今浮洲吳芮將梅銷習水軍於此舊志

觀魚臺 在蟻洲門外相傳吳芮觀魚於此舊志

遐觀臺 在城上

清風臺 在舊州治內宋時築

高明臺 在舊州治內通判廳南

慶朔堂 遺事錄云范文正公所創在州圃之北偏左瞰蜀

錦右連流杯前占春香靜虛旁對湖光四望儀乎諸侯藏朔焉所以題之曰慶朔親植花卉欄爲二壇公旣移潤作詩云慶朔堂前花自栽便移官去未曾開年年憶着成離恨祇託春風管勾來

瞻儀堂 宋范仲淹創

玉芝堂 在舊州治內宋通判張某建後知州唐震死節於

此

新義堂 在城東百里宋程萬里為參軍最孝友里人化之

名其堂曰新義見府志

簾金堂 宋志云鄱陽吳氏堂書目三卷不詳何在見府志

識山堂 宋別駕矢性創彭汝礪記在舊州宅桃源山天晴

登之可望廬山於三百里外明陳策詩廬山高萬仞百里烟一抹望望送青來吳楚此奇絕

致樂堂 元周應極建揭傒斯有詩

平政堂 在舊州治

鎮靜堂 明千戶所正廳總制宋炳創

蒲養堂 在薦福寺明天然長老建

耕養堂 在麗陽鎮明賈文彬建

鄱陽縣志

卷之二

古蹟

六

澤存堂 在義城明劉彥昂建又有莊名懶雲莊

大雅堂 在東北關胡氏建明李東陽有詞宋濂何喬新俱

有記

積善堂 隱翁劉琮玉所居明陶安有記見府志

鄱江樓 在郡治南城上唐錢起有詩明太祖幸鄱陽登樓

見父老有年九十者上悅以為守臣保障力黎廷瑞詩江城一登眺寒

色有無間帆拂沙頭樹僧歸雲外山樓高西照急葉盡北風閒世事何時足悠悠飛鳥還

柳公樓 在城西北角梁柳惲為鄱陽守所創憑眺顯豁實

江國之勝景唐大曆中第五琦改為望陽樓貞元十九年

李吉甫復其舊

玩鷗樓 在東湖之濱明李榕建樓於宅後俯瞰督軍湖顏

曰玩鷗

百花樓 在舊州宅

江湖偉觀樓 在行春橋側宋時建

悠然樓 嚴氏書樓元揭傒斯有詩

文翁宅 在縣東一百五十里基址俱存東帶鄱陽南連溪

水西接望夫岡有井澄清隴前栽桐樹

雷義宅 在縣東北七十里大雷岡後漢雷義所居宅基有

井井中有鐵斧

舊志

雷煥宅 在縣東北九十里小雷岡晉雷煥所居

舊志

戴叔倫宅 在薦福寺唐德宗時潤州戴叔倫來訪刺史馬

戴戴為築宅湖上居之

舊志

堯故亭 在堯山山下平陵有古大堂基十餘處父老相傳

堯南巡登此山故亭即其行宮

通志

鄱陽縣志

卷之二

古蹟

七

時別墅

魯公亭 在城東薦福山有唐歐陽詢所書寺碑顏魯公嘗

覆以亭故名明成化天順間繼修後圯嘉靖間兵備史褒

善知府黃宗器重建

戴儒有記

萬曆間亭燬

道光四年僧諸林募化重建

四望亭 舊在郡城上范文正公建今千戶所前最高處是

芝亭 唐龍朔初刺史薛振采芝土素山北岡郡人為立亭

危坡屹立可眺匡廬後改為三秀亭今廢乾隆七年分巡

叅政李根雲重建仍名芝亭自撰碑記

秋香亭 在永平關右監前宋景祐間提點鑄錢使魏兼創

培菊十數本因名范文正公有賦見藝文

采芹亭 宋時遷學於城東北湖濱築堤橫亘建亭其上宋

毛滂有記

五老亭 在芝山嶺遺事錄云公下車題芝山寺有偶臨西閣望五老夕陽開之句寺僧遂作五老亭於坡頂後太守王祿朋即其址重建改名遠意亭今燬

接仙亭 在芝山今廢

鄭公亭 在城東北五里宋鄭日新令鄱民懷其德立亭當路故名後吳宏遣部下夏升於此置柵以邀來兵亭遂廢

野處亭 在城西蠓洲宋洪景廬退居孝宗御書野處二字賜之因名又有承承堂三洪諸孫善初建

蜀錦亭 在慶朔堂右宋范文正植海棠二株後守鄒柯慕文正為立亭題曰蜀錦

邑人閔齊記蜀錦亭者宋太守鄒柯所築也其亭在城西桃源山麓舊府治內慶朔堂之右范公在饒為郡時偶植海棠二株鄒守繼之因築亭其地題曰蜀錦以寓仰止之思無何亭去而蜀錦亦隨以去至今數百年間滄桑遞變陵谷迭遷低徊憑弔之下漠然徒見山高而水清然其名則載之郡

鄱陽縣志

卷之二

古蹟

八

邑志後人考其始末不特有以感范公之澤而并有以彰鄒守之賢也爰為之記

春香亭 俱在舊州治內范仲淹建遺事錄云春香虛靜分峙慶朔之前卉木環抱與二花檻並列為公宴樂嘉賓之所

綺霞亭 在舊州治內王十朋建

清香亭 在舊州宅

止水亭 宋江萬里罷相鑿池芝山後圃名曰止水人莫探其意及元兵至城陷赴池死

蔣士銓詩皇帝屈膝老臣取自古君臣無此禮似道不去判降故相身投亭下死此是江南趙家水國存與存亡與亡但恨未殉厓山航朝廷不知汪立信何必復有文天祥當年歛屍葬何處馬鬣無人表公墓江州只有八角石此地豐碑被誰誤在天列祖誠可憐英靈散落蘭亭山紹興陵寢六函瘞公魂哭殺冬青間海水如山聚忠魄前有秀夫後世傑丹心火熱不可濡決背漳州誅國賊嗚呼木棉庵內刀加首半間蟋蟀鳴空牖湖山唾罵憑後人豈若止

水孤亭大如斗

會雲亭 在後山隊路口元薦福寺僧月關建以憇行人

樂耕亭 在里仁鄉 國朝穆副將勦寇殆盡民得歸耕故名

名

得眠亭 亦在里仁鄉 國朝鄭邑侯除盜有法民相謂曰

自是眠者殆貼席矣會建此亭因以名之

林樾亭 在舊按察分司內明知府陶安建

江亭 唐李嘉祐建未詳所在劉長卿有詩見全唐詩集

秋水觀 在子城上宋建

望戴軒 在元妙觀東宋周伯恭作取望薦福戴叔倫故宅

之義張景修吳全節俱有詩見藝文

碧雲軒 遺事錄云芝山寺海會堂後之小軒也公守饒時

鄱陽縣志

卷之二

古蹟

九

愛其閒寂瀟灑題詩見藝文軒久圯乾隆十二年叅政李

根雲重建後復圯嘉慶二十年署鄱陽令王泉之重修今

燬

退思軒 在舊州宅

思賢閣 王十朋記平政堂之北有閣北瞰郡圃九賢堂四

賢堂在焉登其閣思其人遂名之曰思賢

悠然閣 在義仁鄉六都板橋里元集賢學士邑人周應極

建元明善作記趙孟頫書部貫篆額揭傒斯有詩

流玉閣 在溧陽鎮法雲寺

青雲閣 在薦福寺

文昌閣 在鐘潭山巔邑人劉文莊建又有樓名太乙樓

瀟灑齋 在思賢閣下王十朋建自為記思賢閣之下有齋方丈餘北鄉前有

隙地僅一畝，疊石百拳，鑿沼一泓，有喬木數株，藤蔓蒼然。而古雜以桃李，眾芳濃陰，幽香清逼，燕喧東望，砌台西接。玉芝北臨，郡圃隔以垣墻，幽然有山林間氣象。采范文正公郡齋，卽事詩名之曰瀟酒，公讀其區別妍媸，削平禍亂之賦，及先天下之憂而憂，後天下之樂而樂之，記與萬言書，則其正色立朝之風采，仗鉞分閫之威名，經世佐王之

大畧是皆推胸中瀟酒之蘊而見之于為天下國家之大者，也。讀嚴陵祠堂記，至先生之風山，高水長，又知公與子陵雖出處之迹不同，易地則皆然。山高水長，非特子陵之瀟酒亦公之瀟酒也。噫，微斯人，吾誰與歸！是以名齋。

玉雪坡 在舊州宅，北宋時建。

小隱 在朝天門外，洪景廬別墅，一名盤洲庵。又有雲竹莊、瓊花園，皆諸洪別墅云。

錫泉 在郡治左，永福寺內，味清冽，相傳異僧所鑿。今寺僧用水和丸甚售。

高帝井 在城西南木家山，舊州治前，明太祖幸鄱時所題。

咏也有中間一點澄如鏡，任爾風波不動搖之句，鑄於石。

鄱陽縣志 卷之二

古蹟

十

丹井 在城東十七里馬跡山，晉王遙修煉之所，旁有斗壇。

又有石盂，宋開禧中浚井，得玉尺，井泉始涸。

玉泉砂井 在荆山村，每陰雨有雲氣，唐貞觀六年荆山院。

欽禪師鑿，每旱鄉人請水，禱雨必應。

七星井 在舊元妙觀，左右相傳觀基不利，州治范文正公。

鑿七星如北斗狀，厭之今皆湮廢。

勝井 在五十三都官路旁，晉時石敬純道經此，天旱兵渴。

乃拔劍插地，泉水湧出，因號勝井，又名石井。

西峯井 在四十九都白湖村，相傳西峯禪師出遊，有烏犬。

隨之，經此犬不至，插錫杖以候之，遂成井，請水禱雨卽應。

白泥井 在四都，相傳有龍坐其井，深一丈，圍五尺，卽極旱。

水一日可汲百餘家。

九眼井 在永福寺前不詳鑿始井圍可三丈上甃巨石環面穴九竅故名

蓮花井 在永福鄉山形如蓮花上有石井香泉清冽大旱不竭

義井 在城西隅本楊氏井泉甘冽不竭明末大旱人艱遠汲楊氏壞垣出井以畀里人里人義之遂以名焉

部璞丹竈 在部璞峯第二尖上故址尙在

鐘潭 在四十都梁大同間靈鐘寺大鐘鳴徹百里太清二年遣使取至朝扣之不鳴遣還至此遂沉於潭使復命壯士千餘人垂縵百餘丈取之將出而縵絕不復舉

流杯池 宋范文正公鑿舊千戶所後圃一池卽其故址

落照池 在觀魚臺下池濶九十步池內有走馬埭

鄱陽縣志

卷之二

古蹟

十一

清灣 在永平關南岸螺螄洲夾港水最清隋梁文謙爲刺史嗜此水後人思其廉因名陰陽家取以實漏滴最驗

懷蛟水 在縣南二百步江中流石澗潭中相傳有蛟浮出傷人畜歲五月五日鄉人競渡於此

瓦屑壩 在立德鄉去城西二十餘里楚申諸大姓多於元明之際自此徙靖太史道謨曾擊舟過訪焉

史珥續瓦屑壩考鄱地以

瓦屑名者有洽有壩有墩考饒郡城西二十里爲堯山山在鄱江北南岸迤東有水斜出通江卽瓦屑洽支流也洽對岸爲雙港諸村厥土赤埴舊爲陶藪今姑蘇陶人往往稱其先世爲雙港舊陶以避黃巢亂徙吳瓦屑名村時代已無可考迄今土中掘出其屑堅厚有如盆者如甕者瀕洽有赤阜雖烟火寥寥而廢甕斷垣往往有焉石虹先生謂彭靖諸大姓皆由洪武初徙實江淮而鄱陽一府爲多葉堪輿乃指餘干湖濱微有瓦屑壩者當之眞微乎微者矣石虹先生姓張名希良有瓦屑壩考葉堪輿石虹考中人又嘗自鹿洞歸鄱舟經雙港求冷畔土人訛焉則曰瓦屑洽水次也其西一帶平岡蜿蜒十里所舊名瓦屑壩頗有廢陶今皆隨步易稱中有一處舊名靖家地今日新

開州此方十數里間凡報賽祝神猶不稱洽而稱壩靖姓
鄙不別見此為徙楚舊業斷無可疑顧厥地為楚中帆檣
所必由訪求遺跡者不少而皆未聞有獲何也土人曰厥
地久荒有明中葉始開闢今之桑麻昔之廬塚每慮孽孽
有來訪弗以實告且并地名諱之所以韜晦至今嗟乎延
賓之坊仲公之宅吾鄙地以人重者所在是也而此地特
以土人畏事故使楚徙者久不獲循其瓜瓞之遺以致水
木之思誠為憾事然山川有靈待時而發徙楚諸君子因
此地以得初生而此地亦因以不朽夫且與陶坊甯宅前
承風聲矣所訪土人張姓計名世居蓮河去瓦屑壩五里
許

磨刀石 在城東十五里石痕村石敬純追殺牛昌隱經此

望夫岡 景泰志載陳明與梅氏為姻未成婚梅為魅誘入

大穴洞邃無底明以長繩懸己入取梅令先出明竟沒其
中梅乃誓守每登山望故名今莫詢其處或曰在故縣渡

西三十里

范公松 范文正公植百株於慶朔堂四匝

鄱陽縣志

卷之二

古蹟

三

范公柏 范文正公遺蹟云在鄱陽郡學凡十八株

史公柳 史漢柔唐末避亂自溧陽遷饒植柳沿江今柳林
頭是也宋知州史定之立碑大書史公柳三字

紫極觀鐘 饒州紫極觀有唐鐘一口形製清堅非近世工
鑄可比刻銘其上曰天寶九載歲次庚寅二月庚申朔十
五日癸酉造通直郎前監察御史貶樂平員外尉李逢年
銘前鄉貢進士薛彥偉述序給事郎行叅軍趙從一書中
大夫使持節鄱陽郡諸軍事檢校鄱陽郡太守天水郡開
國公上官經野妻扶風郡君韋氏奉為開元天地大寶聖
文神武應道皇帝敬造洪鐘一口其後列錄事叅軍司功
司法司士叅軍各一人司戶叅軍一人錄事一人鄱陽令
一人尉二人又專檢校官鄱陽縣丞宋守靜專檢校內供

奉道士王朝隱又道士七人銘文亦雅潔字畫不俗但月朔庚申則癸酉當是十四日鐫之金石而誤如此浮洲開福院亦有吳武義年一鐘然非此比也 洪容齋三筆

永福寺鐘樓 元成宗元貞二年饒州路治中常元明之母賈氏鑄造用銅料一萬五千斤有零并雜以金銀等料銘曰圓其形範而成虛其中扣而鳴惟圓以虛鯨怒雷殷聾昧幽潛是覺是警循元返聞妙音密圓隱隱鉉鉉億萬斯年樓在永福寺前高六七丈天朗氣清鐘聲愈亮能聞四十里外道光四年樓圯先一時大風雷雨鐘飛下落民居側有木墊之樓旋圯己亥署知府文海知府麟桂倡議復建庚子落成咸豐三年七月十四髮逆竄饒焚鐘樓鐘被火爍損壞好事者言於省垣取其銅往省鑄錢

鄱陽縣志

卷之二

古蹟

十三

永福寺塔 在永福寺東宋天聖二年建七級高三十餘丈元至元十三年饒州路總管常福生葺治明初寺僧又修嘉靖四年又修咸豐三年髮逆竄饒焚火塔中毀其頂

土塔 在北門外妙果寺旁與永福寺塔並峙

蓮荷山塔 在立德鄉距城西四十里

龍王山塔 在雙港距城十五里明萬曆乙巳年郡侯葉雲

初邑侯顧自植建與蓮荷山塔對峙爲一郡水口之華表

錦袍鐵扇 彭忠烈大雅故物

軒轅磨鏡石 俗傳軒轅氏鑄鏡於湖邊故有軒轅磨鏡石石上常潔不生草木事見任昉述異記今亦不知石之所

在

東湖十景 卽梅銷教習水戰處

孔廟松風

吳存詩范公震澤跨龍來鎖向湖邊不放回翠鬣蒼髯時一奮轟天白晝起雲雷

顏亭荷雨

吳存詩萬斛明珠瀉綠盤魯公亭上倚闌干誰知倒挽銀河下天為忠臣洗肺肝

雙塔鈴音

吳存詩文筆雙峰銳刺天風簷萬鐸語蒼烟漫將磚土輕分別影落平湖一樣圓

兩堤柳色

吳存詩南北長堤彩蜺連垂楊夾道綠如烟春風曠長絲千尺辨與遊人繫畫船

洲上百花

吳存詩湖光三面浸樓臺東面天橫錦繡堆便取四時洲上醉不妨三日一花開

湖心孤寺

吳存詩佛屋巋然水四圍晴光波影漾禪扉老僧隱几青楓表笑看滄洲白鳥飛

薦福茶烟

吳存詩晴霏冉冉上松枝莫莫堂中茗事遲欲訪趙州消午困趁渠蟹眼未生時

新橋酒帘

吳存詩橋邊窗戶小家樓新釣魚肥酒旋芻可

松關暮雪

吳存詩梅花三弄夕烟橫遮莫松枝掛月明今夜忍寒山寺宿玉龍鱗角聽奇聲

芝嶠晴雲

吳存詩千仞屏愚杳靄中晴霏朝暮乍青紅遙知郁郁紛紛處下有先秦白髮翁

永壽宮

在故淮宮舊址明淮康王祁銓建有蓬萊清隱菴

竹漪淇水漲

平溪小橋勝蹟翰墨林羣芳圃芸香境香雪

鄱陽縣志

卷之二

古蹟

十四

窩八景